



Na osnovu člana 6. Zakona o računovodstvu i reviziji Bosne i Hercegovine ("Službeni glasnik BiH", broj 42/04), člana 125. stav (2) Zakona o računovodstvu i reviziji u Federaciji Bosne i Hercegovine ("Službene novine Federacije BiH", broj 15/21), Upustva o osnovama i kriterijima kontinuirane profesionalne edukacije u Bosni i Hercegovini („Službeni glasnik BiH“, broj 44/25), člana 6. Statuta Saveza računovođa, revizora i finansijskih radnika Federacije Bosne i Hercegovine (u daljem tekstu: Savez), Pravilnika o kontinuiranom profesionalnom razvoju članova računovodstvene i srodnih profesija i Pravilnika o prijavljivanju, odobravanju i nadzoru organiziranih oblika kontinuiranog profesionalnog razvoja članova računovodstvene i srodnih profesija, kao i u skladu sa Međunarodnim standardima edukacije (IES), Upravni odbor Saveza objavljuje:

JAVNI POZIV

izvođačima kontinuiranog profesionalnog razvoja članova računovodstvene i srodnih profesija u 2026. godini

1. SVRHA I CILJEVI KPR

Kontinuirani profesionalni razvoj (KPR) podrazumijeva obavezan proces cjeloživotnog učenja kojim članovi Saveza razvijaju i održavaju profesionalnu kompetentnost neophodnu za obavljanje svoje profesionalne uloge, u skladu s javnim interesom.

KPR obuhvata sve aktivnosti učenja i razvoja koje pomažu članovima da reagiraju na promjene u regulatornom, tehnološkom, ekonomskom i poslovnom okruženju, te da kontinuirano unapređuju kvalitet profesionalnih usluga.

U skladu sa Međunarodnim standardima edukacije (IES), svrha KPR-a je osigurati da profesionalne računovođe:

- **održavaju i unapređuju profesionalnu kompetentnost**, koja uključuje:
 - tehničku kompetentnost,
 - profesionalne vještine,
 - profesionalne vrijednosti, etiku i stavove;
- **pružaju profesionalne usluge visokog kvaliteta**, zasnovane na relevantnim međunarodnim standardima i zakonima;
- **postupaju u skladu s profesionalnim vrijednostima, etikom i stavovima**, djelujući u javnom interesu i primjenjujući profesionalni skepticizam i profesionalno prosuđivanje;
- **prate i razumiju promjene** u finansijskom, regulatornom, poreznom, tehnološkom i poslovnom okruženju, uključujući napredak u informacijskim tehnologijama i izvještavanju o održivosti;
- **odgovore na rastuće zahtjeve** poslodavaca, klijenata, regulatora i društva;
- **ojačaju integritet i ugled profesije**, doprinoseći kvalitetu finansijskog izvještavanja, transparentnosti i povjerenju u ekonomske i institucionalne procese.

Cilj kontinuiranog profesionalnog razvoja je da profesionalne računovođe i pripadnici srodnih profesija kontinuirano razvijaju i održavaju profesionalnu kompetentnost koja im omogućava kompetentno, etično i odgovorno obavljanje profesionalne uloge u skladu sa zahtjevima profesije i regulatornim okvirom.

Savez, kao profesionalna organizacija i članica Međunarodne federacije računovođa (IFAC), usvojio je i primjenjuje Međunarodni standard edukacije 7 te osigurava da KPR bude organizovan, nadziran i realizovan na način koji profesionalnim računovođama i pripadnicima srodnih profesija omogućava da trajno razvijaju i održavaju profesionalnu kompetentnost i da u svim okolnostima djeluju u javnom interesu.

2. CILJ JAVNOG POZIVA

Kontinuirani profesionalni razvoj profesionalnih računovođa i pripadnika srodnih profesija se provodi kao samostalno obrazovanje (individualna edukacija) i kao organizirana edukacija (učesće na seminarima, online seminarima, webinarima, savjetovanjima, simpozijima, kongresima, forumima, radionicama, kursevima i dr. organiziranim vidovima edukacije), s tim da najmanje jedna polovina bodova mora biti realizirana kroz organizirane oblike edukacije.

Cilj ovog javnog poziva je izbor kvalifikovanih i kompetentnih izvođača edukacija koji mogu:

- osigurati visok nivo kvalitete i stručnosti u provođenju programa KPR,
- pružiti kontinuiranu i kvalitetnu stručnu podršku polaznicima KPR i ostalim članovima profesije,
- doprinijeti usklađenosti s međunarodnim standardima (IFAC, IES 7),
- poticati inovativne, interaktivne i motivirajuće pristupe učenju.

3. USLOVI ZA PRIJAVLJIVANJE

Prijavu po ovom javnom pozivu mogu podnijeti pravna lica:

- a) koja su registrirana na teritoriju Bosne i Hercegovine za obavljanje sljedećih djelatnosti:
 - Računovodstvene, knjigovodstvene i revizijske djelatnosti; porezno savjetovanje (69.20);
 - Izdavanje časopisa i periodičnih publikacija (58.14);
 - Ostalo obrazovanje i poučavanje, d. n. (85.59);
- b) imaju najmanje dva predavača koji imaju zasnovan radni odnos kod potencijalnog izvođača edukacije ili da su u upravljačkim tijelima tog izvođača edukacije bez zasnovanog radnog odnosa.
- c) koja posjeduju adekvatne organizacione, kadrovske, tehničke i druge predulove za pružanje usluga kontinuiranog profesionalnog razvoja i kontinuiranu stručnu podršku članovima računovodstvenih i srodnih profesija;
- d) koja posjeduju i dokažu adekvatno prethodno iskustvo i reference neophodne za pružanje usluga kontinuiranog profesionalnog razvoja i kontinuirane stručne podrške članovima računovodstvenih i srodnih profesija;
- e) koja ispunjavaju ostale uslove propisane aktima Saveza i Komisije za računovodstvo i reviziju BiH, Međunarodnim standardima edukacije i ovim javnim pozivom;
- f) koja u datom roku podnesu Savezu kompletnu i urednu dokumentaciju koja se zahtijeva ovim javnim pozivom.

Ispunjenost ovih uslova utvrđuju stručna služba i nadležna tijela Saveza.

Uslov iz tačke a) ne primjenjuje se na strukovna udruženja registrirana u Bosni i Hercegovini koja okupljaju stručnjake iz srodnih profesija, a koja u okviru svog djelovanja organizuju specijalizirane programe kontinuirane profesionalne edukacije i pružaju kontinuiranu stručnu podršku svojim članovima.

Prijave za koje Savez utvrdi da ne ispunjavaju potrebne uslove, biće odbijene kao nezadovoljavajuće.

4. OBAVEZNA DOKUMENTACIJA UZ PRIJAVU

4.1. Dokazi ispunjavanja uslova iz tačke 3. ovog javnog poziva

Potencijalni izvođači KPR u 2026. godini su, uz prijavu, dužni podnijeti:

- 1) Dokaz o registraciji – izvod (ili ovjereni prepis) iz odgovarajućeg registra pravnih lica, ne stariji od 6 mjeseci;
- 2) Opis relevantnih organizacionih, kadrovskih, tehničkih i drugih nužnih preduslova za organiziranje i pružanje usluga kontinuiranog profesionalnog razvoja članova računovodstvene i srodnih profesija, u skladu sa svrhom i ciljevima KPR, aktima Komisije i Saveza i uslovima ovog javnog poziva;
- 3) Detaljan opis prethodnih iskustava i referenci u prethodne tri godine, neophodnih za pružanje usluga kontinuiranog profesionalnog razvoja i kontinuirane podrške članovima računovodstvenih i srodnih profesija;
- 4) Popis predavača – voditelja edukacije, sa njihovim relevantnim stručnim i predavačkim referencama;
- 5) Dokaz da najmanje dva predavača, navedena u okviru godišnje prijave, imaju zasnovan radni odnos kod tog potencijalnog izvođača edukacije ili da su u upravljačkim tijelima tog izvođača edukacije bez zasnovanog radnog odnosa;
- 6) Podatke o ekspertskom timu koji je učesnicima programa KPR na raspolaganju u cilju kontinuirane stručne podrške tokom cijele godine, uključujući i model plana prethodne i naknadne komunikacije sa učesnicima programa KPR (tel. brojevi, e-mail, digitalne platforme i dr.), kao i raspoloživo vrijeme za komunikacije sa učesnicima programa KPR prije i nakon održanih edukacija;
- 7) Opis tehničke opremljenosti i model podrške učesnicima edukacija, sa detaljnim izvještajem za prethodnu godinu.

Potencijalni izvođači KPR koji se prvi put javljaju na javni poziv su, pored navedenog, dužni dostaviti i relevantne edukacijske materijale u elektronskoj formi koje su razvili i izdali u prethodne tri godine.

4.2. Dokazi ispunjavanja ostalih uslova za izvođenje KPR

Pored dokaza ispunjavanja osnovnih preduslova iz tačke 4.1., potencijalni izvođači KPR su uz prijavu po ovom javnom pozivu dužni podnijeti i:

- 1) Izvještaj o realizaciji KPE/KPR za 2025. godinu (Izvještaj), koji je u prilogu ovog javnog poziva, a koji je obavezan je za sve potencijalne izvođače edukacija. Za potencijalne izvođače koji u 2025. godini nisu realizovali programe KPR u okviru

Saveza, Izvještaj se popunjava kao strukturirani prikaz organizacije, stručnih kapaciteta, metodologije rada i aktivnosti relevantnih za kontinuirani profesionalni razvoj, u mjeri primjerenoj obimu njihovog dosadašnjeg iskustva;

- 2) Okvirni godišnji prijedlog programa KPR za 2026. godinu, koji ispunjava potrebne kriterije u pogledu obima, strukture, sadržaja, načina izvođenja, oblika i metoda rada, kontinuirane stručne podrške članovima profesije i dr., a u kontekstu svrhe i ciljeva KPR, akata Komisije i Saveza i uslova ovog javnog poziva.

5. STRUKTURA I SADRŽAJ PREDLOŽENOG PROGRAMA KPR ZA 2026.

Predloženi okvirni godišnji programi trebaju obuhvatiti što više oblasti iz Savezovog Godišnjeg plana KPR za 2026. godinu, uključujući ali ne ograničavajući se na:

- računovodstvo, revizija, finansije i druga s njima povezana znanja,
- profesionalna etika i integritet,
- regulatorni okvir,
- organizacijska i poslovna znanja,
- informacione tehnologije (IT) i vještačka inteligencija (AI),
- internu reviziju i kontrolu,
- procjene vrijednosti i finansijsko modeliranje,
- upravljanje javnim finansijama i
- ostala relevantna znanja.

6. TEME/OBLASTI, OBLICI KPR I METODE RADA

U predloženom okvirnom godišnjem programu, za svaki planirani pojedinačni program treba navesti i:

- Bliži sadržaj edukacije, u skladu sa oblastima i kriterijima iz Savezovog Godišnjeg plana kontinuirane profesionalne edukacije za 2026. godinu i uz ispunjenje minimalnih uslova u skladu sa ovim javnim pozivom;
- Vrijeme održavanja (mjesec, kvartal) i planirano vremensko trajanje edukacije;
- Oblik izvođenja: seminar, online seminar, webinar, simpozij, kongres, forum, savjetovanje, radionica, kurs ili dr.;
- Metode rada i poučavanja: prezentacija ex katedra, interaktivna online prezentacija, snimljeni video materijal, diskusije, obrada primjera, studije slučaja, simulacije, obrazloženja, objašnjenja, smjernice, upute, savjeti i dr., odgovori na pitanja učesnika edukacije u toku trajanja i/ili nakon održane edukacije, kontinuirana prethodna i naknadna stručna podrška učesnicima i sl.

7. EVALUACIJA PRIJAVA

Po prijemu blagovremene, potpune i zadovoljavajuće prijave u smislu svih zahtjeva ovog javnog poziva, stručna služba i nadležna tijela Saveza se u primjerenom roku izjašnjavaju o stepenu njene usklađenosti sa Međunarodnim standardima edukacije (IES), aktima Komisije i Saveza i ovim javnim pozivom, na osnovu čega odlučuju o njenom prihvatanju ili odbacivanju.

Kriteriji i elementi evaluacije prijave su sljedeći:

Oblast evaluacije	Opis kriterija	Dokazi
1. Reference izvođača	Ostvareni rezultati u prethodne tri godine u oblasti edukacija i kontinuiranog profesionalnog razvoja.	Spisak realiziranih edukacija, izvještaji, evaluacije učesnika
2. Raspoloživi interni predavački kapaciteti	Broj, kvalifikacije, reference, iskustvo, oblasti edukacije i kontinuirana dostupnost svih članova internog stručnog tima.	Biografije, reference, dokazi o zaposlenju ili članstvu u upravnim tijelima izvođača.
3. Raspoloživi eksterni predavački kapaciteti	Broj, kvalifikacije, reference, iskustvo, oblasti edukacije i očekivana kontinuirana dostupnost eksternih predavača tokom cijele 2026. godine.	Biografije, reference, dokazi o angažmanu na poslovima KPR u trajanju od najmanje jedne godine, odnosno za cijelu 2026. god.
4. Kontinuirana stručna podrška profesionalnim računovodama	Imena, kvalifikacije, reference, oblasti i iskustvo članova stručnog tima koji je direktno uključen u proces kontinuirane stručne podrške; model pružanja stručne podrške učesnicima edukacija tokom cijele godine.	Opis načina kontinuirne stručne podrške, kontakt podaci, plan komunikacije, izvještaj o realiziranoj stručnoj podršci za prethodnu godinu...
5. Tehnička i organizacijska opremljenost	Dostupnost tehničke infrastrukture (online platforme, prostor, IT podrška), organizacijska sposobnost planiranja i praćenja edukacija	Opis resursa, slike prostora, tehničke specifikacije, linkovi na platforme...
6. Stepen realizacije odobrenog okvirnog programa KPR za 2025. godinu	Broj planiranih, broj odobrenih i broj realiziranih programa KPR iz okvirnog godišnjeg programa KPR u toku 2025. godine	Tačke V. i VI. Izvještaja o realizaciji KPE/KPR za 2025. godinu
6. Stepen usaglašenosti predloženog okvirnog programa KPR sa Savezovim Godišnjim planom KPR za 2026. godinu	Pokrivenost oblasti i tema iz Savezovog Godišnjeg plana KPR za 2026. godinu u okvirnoj godišnjoj prijavi potencijalnih izvođača KPR u 2026. godini	U skladu sa tačkom 5. ovog Javnog poziva, a u odnosu na Savezov Godišnji plan KPR za 2026. godinu
7. Sistem internih kontrola kvalitete	Postojanje dokumentovanog sistema za planiranje, nadzor i evaluaciju kvaliteta edukacija	Organizacije i način provedbe sistema interne kontrole kvalitete (tačka VII. Izvještaja o realizaciji KPE/KPR za 2025.)
8. Dodatne usluge u okviru kontinuiranog profesionalnog razvoja	Izdavanje stručnog časopisa, stručne savjetodavne linije, stručni newsletteri, individ. konsultacije i dr.	Tačka XI. Izvještaja o realizaciji KPE/KPR za 2025.
9. Etički i profesionalni integritet	Usaglašenost rada izvođača s Međunarodnim kodeksom etike za profesionalne računovođe	Izjava o usklađenosti, interni etički kodeks.

8. ROK I NAČIN PODNOŠENJA PRIJAVA

Ovaj javni poziv je otvoren do 31. 1. 2026. godine.

Prijave se dostavljaju:

- u printanoj formi na adresu Saveza (Kneza Višeslava bb, 88000 Mostar) i
- elektronski na e-mail: info@srr-fbih.org

Neblagovremene i nepotpune prijave neće se uzeti u razmatranje.

9. ZAVRŠNE ODREDBE

Prijavom na ovaj javni poziv prihvata se da se navedeni podaci uključe u registar Saveza i da mogu biti javno objavljeni.

Za sve dodatne informacije i obrazloženja u vezi ovog javnog poziva možete kontaktirati:

Gabriela Čilić Kardov

Tel: 036 334 189

e-mail: info@srr-fbih.org

Mostar, 31.12.2025.

Broj: JP-1/12-2025

Predsjednica Upravnog odbora Saveza

Jelena Misita

PRILOG:

Izveštaj o realizaciji KPE/KPR u 2025. godini, koji je sastavni dio ovog javnog poziva i koji je obavezan uz sve prijave na isti.